

Անցած օրերը եւ կեանքերը, որոնք կարծես ընդմիջտ մոռացուած էին, ահա, դուրս են ցցում իրենց գլուխը եւ նայում են մեզ՝ աւեականութեան ճրագը իրենց աչքերում: Այն ամէնը, ինչ որ թւում էր կորած, բռնում է նորից իր տեղը, կենդանանում է եւ ապրում ուրիշ ու նոր մի կեանքով: Եւ այդ պատահում է ո՛չ մեծ այն դէպքերի հետ, որոնց սանդուղից բարձրացել ես, կամ իջել, այլ այն անընդժարելի եւ անցողակի երեւոյթների հետ, որոնք կայծի նման մարուեւ են վայրկեանների ծոցին:

Ժամացոյցներն առանց սրաքների եւ սահայն ա՛յնքան լեցուն ժամերով:

Այդպիսի պահերին, մարմինդ ռետինի պէս երկարում է: Մկանունքներդ սեղմուած են. գրեթէ զգում ես արիւնիդ շրջանառութիւնը, ու մինչ զգայնութեանդ լարերի վրայ ներկան ման է ածում իր ծանր մատները՝ անցեալը բաց է անում իր դադունիքների արկղը եւ խաղում է մի թատրոն:

Ո՞վ է խմանում մեր մտերի վրայ դարերը ինչպիսի պատկերներ են դրոշմել:

Երակների մէջ արիւնը կեանքի ահագին կտորներ է քշում:

Ու պատահում է այնպէս, որ չնչին մի ինչ որ մզանակ կամացուկ վեր է ցատկում, այնտեղ, էութեանդ մութ մի անկիւնում, հրում է անտեսանելի մի անիւ, որը իր կողմից մղում է մի ուրիշին, բաց անում ապրումների մի աշխարհ, քայլում անծայր տարածութիւններում կամ իջնում ժամանակի դառիվերից դէպի այն անդունդը, ուր ոգիները քրտնաթոր զետեղում են իրականութիւններից աւելի ներս գտնուող մի տիեզերք:

Այն բոպէներին դու զգում ես խորապէս, որ այն ինչ որ անուանում ենք ամենօրեայ լիւնելիութիւն՝ սովորութիւնների եւ դաստիարակութեան դիզած դիւրին պատկերների կուտակումը՝ ուրիշ բան չէ եթէ ոչ էականը մոռնալու մի միջոց, աչքերիդ առջեւ տատանուող մի շղարշ, պարիսպ, որի վրայից մարտնչում ես ինքդ քեզ դէմ եւ գերեզման՝ որի մէջ թաղում ես քեզ շրջապատող, կերպարանափոխ-

ուող աշխարհի հետ ունեցած թաքուն հաղորդակցութիւններդ:

* * *

Ի՛նչ լաւ էր, որ քամին թրթռացող իր թեւը զարնում էր վենետիկեան բոլոր քարերին: Մեծ այդ գերեզմանում յիշատակները արթնանում էին, քանդակուած պատերի ծալքերում սարսուռ էր անցնում, տանիքների վրայից ոգիներ էին սողում, սիւները բարձրացնում էին իրենց գլուխը եւ արձանները շարժում էին ձեռքերը ու անբիւր աչքերի միջից նայում, նայում, նայում:

Գօթերի պալատի զօթական դրան մօտ, անկիւնի բազմադոյն մարմարների մէջ մխրըճըւած, կանգնել են պօրֆիրէ երեք հայ զինուորները:

Կոլոր կալպակների տակ՝ նուշանման, զարմացած աչքեր, փշրուած քիթեր, առոյգ դէմքեր: Երկայն, կիլիկեան շրջանի զգեստներ, հաստ դօտի եւ տափակ թուրեր: Փարթամ եկեղեցու եւ դազադաձեւ պալատի մէջտեղ, նրանք կանգնել եւ հանգիստ, ընդմիջտ անշարժ եւ խորհրդաւոր:

Ու անբիւր նրանց աչքերի մէջ՝ այնտեղ, Լազունայից եւ ծովից այն կողմը՝ աշունը եւ իր քամին տրորում են ամբողջ Կիլիկեան աշխարհը, նայում նրա քանդուած բերդերի կատարին, սողում փլատակների վրայ, բարձրանում Տաւրոս, Սեւ-Լեռան կատարին կանգ առնում երբեմնի Գոռոմողլ գիւղում, ուր Ռուբէնը իր կտրիճներով առաջին թաղաւորութիւնը հիմնեց, ու հազարաւոր ոգիների թեւը բռնելով, իջնում են Սիւ եւ սարսափած տաւարի հօտի նման ցատկուտում են եւ սունում:

Ո՞վ գիտէ՝ ուղքեր են երեք այդ անյայտները: Իշխաններ, դուքսեր, քունդատապլ թէ՛ պարոնայք հռչակաւոր Անտիօքի տակ ընկած, Կոստանդին իշխանի խաչակիրներ, թէ՛ Լեւոն թաղաւորի սպարապետներ:

Հրապարակի մօտ, հովը զարնում է մարմարէ սանդուղիներին, պալատների զարդերը ներս են մտնում, սիւների վրայ Աստուածաշունչի հերոսները դողում են, իսկ պօրֆիրէ հայերը մխրճել են իրենց աչքերը դէպի հեռա-